

## Հաշվետվություն

Լոռու մարզի դպրոցներում օպտիմալացման գործընթացի մոնիտորինգի արդյունքների վերաբերյալ

2003-2004թթ. ընթացքում Հայաստանի Հանրապետության հանրակրթական դպրոցներում իրականացվեց, այսպես կոչված, «Օպտիմալացման ծրագիր», որի արդյունքում Լոռու մարզում նույնպես աշխատանքից ազատվեցին մեծ թվով քաղաքացիներ: Այդ ընթացքում իրենց աշխատանքային իրավունքների պաշտպանության հարցերով կազմակերպություն դիմեցին աշխատանքից ազատված ուսուցիչներ: Հաշվի առնելով օպտիմալացման ծրագրի լայն մասշտաբները, որն ընդգրկեց մեծ թվով քաղաքացիներ, ելնելով կազմակերպություն դիմած քաղաքացիների աշխատանքային իրավունքների պաշտպանության ընթացքում իրավախորհրդատվության արդյունքներից՝ գրասենյակը որոշեց անցկացնել ուսումնասիրություններ օպտիմալացման ծրագրի իրականացման ընթացքի վերաբերյալ:

Ուսումնասիրության համար անհրաժեշտ տեղեկատվությունը լրացվել է Լոռու մարզպետարանից, Լոռու մարզի առաջին ատյանի դատարանից և առանձին քաղաքացիներից ստացած փաստաթղթերով և տեղեկություններով:

### Վիճակագրական տվյալներ

2003-2004 թթ. օպտիմալացման արդյունքում Լոռու մարզի հանրակրթական դպրոցներում աշխատանքից ազատված ուսուցիչների քանակը ըստ բնակավայրերի ներկայացված է աղյուսակ 1-ում:

#### Աղյուսակ 1

| 1  |                |      |
|----|----------------|------|
| N  | Բնակավայր      | քան. |
| 1  | ք. Ալավերդի    | 41   |
| 2  | ք. Ախթալա      | 1    |
| 3. | ք. Սպիտակ      | 31   |
| 4  | ք. Ստեփանավան  | 29   |
| 5. | ք. Վանաձոր     | 262  |
| 6  | ք. Տաշիր       | 14   |
| 7  | գ. Ագարակ      | 2    |
| 8  | գ. Արևաշող     | 8    |
| 9  | գ. Արծնի       | 2    |
| 10 | գ. Արմանիս     | 3    |
| 11 | գ. Աբրոի       | 7    |
| 12 | գ. Ամրակից     | 3    |
| 13 | գ. Բովաձոր     | 1    |
| 14 | գ. Գյուլագարակ | 9    |
| 15 | գ. Դաշտաղեն    | 3    |
| 16 | գ. Դսեղ        | 6    |
| 17 | գ. Լեջան       | 1    |
| 18 | գ. Սարգահովիտ  | 3    |
| 19 | գ. Եղեգնուտ    | 1    |
| 20 | գ. Քարաձոր     | 1    |

| 2  |                |      |
|----|----------------|------|
| N  | Բնակավայր      | քան. |
| 21 | գ. Լեռնանցք    | 3    |
| 22 | գ. Լեռնավան    | 3    |
| 23 | գ. Լոռի բերդ   | 1    |
| 24 | գ. Լեռնապատ    | 1    |
| 25 | գ. Ծաղկաբեր    | 2    |
| 26 | գ. Ծաղկաշատ    | 3    |
| 27 | գ. Կաթնառատ    | 3    |
| 28 | գ. Կողես       | 3    |
| 29 | գ. Կուրթան     | 6    |
| 30 | գ. Հաղպատ      | 2    |
| 31 | գ. Ծոճկան      | 3    |
| 32 | գ. Մեծավան     | 15   |
| 33 | գ. Մեծ Պարնի   | 3    |
| 34 | գ. Յաղղան      | 1    |
| 35 | գ. Նորաշեն     | 3    |
| 36 | գ. Կաթնաղբյուր | 1    |
| 37 | գ. Պուշկինո    | 2    |
| 38 | գ. Նեղոց       | 7    |
| 39 | գ. Գուգարք     | 6    |
| 40 | գ. Ֆիոլետովո   | 3    |

| 3        |                |      |
|----------|----------------|------|
| N        | Բնակավայր      | քան. |
| 41       | գ. Շնող        | 10   |
| 42       | գ. Պաղ Աղբյուր | 1    |
| 43       | գ. Ջրաշեն      | 10   |
| 44       | գ. Սարամեջ     | 2    |
| 45       | գ. Սարատովկա   | 7    |
| 46       | գ. Սարահարթ    | 3    |
| 47       | գ. Սարչապետ    | 5    |
| 48       | գ. Սվերդլով    | 1    |
| 49       | գ. Վարդաբլուր  | 3    |
| 50       | գ. Ուռուտ      | 1    |
| 51       | գ. Ուրասար     | 1    |
| 52       | գ. Օձուն       | 4    |
| 53       | գ. Հարթազյուղ  | 2    |
| 54       | գ. Խնկոյան     | 2    |
| 55       | գ. Մարց        | 1    |
| 56       | գ. Դարպաս      | 3    |
| 57       | գ. Քարկովի     | 4    |
| 58       | գ. Կ. Աղեգի    | 1    |
| 59       | գ. Շահունյան   | 9    |
| 60       | գ. Գեղասար     | 3    |
| Ընդամենը |                | 572  |

Ինչպես երևում է աղյուսակ 1-ից, օպտիմալացման ծրագրում «ընդգրկվել» են Լոռու մարզի 60 համայնքներ: Ըստ ոչ պաշտոնական տվյալների՝ Լոռու մարզում ուսուցիչների թիվը /առանց գիշերօթիկ դպրոցների/ մինչև օպտիմալացումը կազմել է մոտ 3.800 մարդ, իսկ կրճատված ուսուցիչների թիվը կազմել է 572: Այսինքն՝ կրճատվել է յուրաքանչյուր 6 ուսուցչից մեկը: Այսինքն՝ միայն ուսուցիչների շրջանում գործազրկության մակարդակը կրճատման հետևանքով ավելացել է ևս 16-17%: Բնական է՝ սա չի կարող չառաջացնել սոցիալական լարվածություն:

Լոռու մարզի առաջին ատյանի դատարանի տրամադրած տեղեկատվության համաձայն՝ Լոռու մարզում 2003-2004թթ. ընթացքում աշխատանքից ազատված ուսուցիչներից Լոռու մարզի առաջին ատյանի դատարան է դիմել 123 մարդ /մոտ յուրաքանչյուր հինգից մեկը/:

Դատական գործերի աղյուսակների մասին տվյալները ներկայացված են աղյուսակ 2-ում:

**Աղյուսակ 2**

| 2003թ.                    |    | 2004թ.                    |     |
|---------------------------|----|---------------------------|-----|
| ընդունվել է գործ          | 15 | ընդունվել է գործ          | 108 |
| բավարարվել է              | 8  | բավարարվել է              | 39  |
| մերժվել է                 | 4  | մերժվել է                 | 36  |
| կարճվել է                 | 2  | կարճվել է                 | 12  |
| թողնվել է առանց քննության | 1  | թողնվել է առանց քննության | 12  |
| անավարտ գործեր            | 0  | անավարտ գործեր            | 9   |
| վերաքննիչ բողոք է բերվել  | 1  | վերաքննիչ բողոք է բերվել  | 22  |

Ինչպես երևում է աղյուսակ 2-ից, Լոռու մարզի առաջին ատյանի դատարանը աշխատանքից ազատված 123 հոգուց վերականգնել է 47-ին, որը կազմում է դիմած քաղաքացիների 37,4 %ը: Ինքնին այս ցուցանիշը վկայում է, որ օպտիմալացման ծրագրի շրջանակներում ուսուցիչներին աշխատանքից ազատելու գործընթացում տեղի են ունեցել լուրջ խախտումներ: Նկատենք, որ ՀՀ քաղաքացիական գործերով վերաքննիչ դատարանին դիմել են ևս 23 ուսուցիչներ, որոնցից մի մասը նույնպես վերականգնվել է աշխատանքում: Այսինքն՝ նրանց մի մասի աշխատանքային իրավունքները նույնպես խախտվել են:

ՀՔԱ Վանաձորի գրասենյակի կողմից օպտիմալացման հետևանքով աշխատանքից ազատված ուսուցիչների աշխատանքային իրավունքների պաշտպանության գործընթացի վերլուծությունը ներկայացված է աղյուսակ 3-ում:

**Աղյուսակ 3**

**ՀՔԱ Վանաձորի գրասենյակի դիմած ուսուցիչների ցանկ**

| №  | Աշխատանքից ազատվածի Անուն Ազգանուն | Բնակավայրը և դպրոց | Տրված ծառայությունը   | Արդյունքը   |
|----|------------------------------------|--------------------|---|---|
| 1. | Անուշ Մելիքսեթյան                  | Ալավերդի թիվ 8     | Գրասենյակի իրավաբանների օգնությամբ հայց է ներկայացվել առաջին ատյանի դատարան | Դատարանը գտել է, որ չի խախտվել Աշխատանքային օրենսգիրքը և մերժել է հայցը   |
|    |                                    |                    | Գրասենյակի իրավաբանների օգնությամբ ներկայացվել է վերաքննիչ բողոք            | Վերաքննիչ դատարանը նույնպես գտել է, որ չի խախտվել Աշխատանքային օրենսգիրքը   |
| 2. | Աշխեն Միրզոյան                     | Ալավերդի թիվ 8     | Գրասենյակի իրավաբանների օգնությամբ հայց է ներկայացվել առաջին ատյանի դատարան | Դատարանը գտել է, որ դպրոցի տնօրենը խախտել է Աշխատանքային օրենսգրքի 37 հոդվածի կանոնները և բավարարելով հայցը հայցվորին վերականգնել է իր նախկին աշխատանքում |
| 3. | Գրետա Բաղդասարյան                  | Ալավերդի թիվ 8     | Գրասենյակի իրավաբանների օգնությամբ ներկայացվել է վերաքննիչ բողոք            | Դատարանը գտել է, որ դպրոցի տնօրենը խախտել է Աշխատանքային օրենսգրքի 37 հոդվածի կանոնները և բավարարելով հայցը հայցվորին վերականգնել է իր նախկին աշխատանքում |
| 4. | Սեդա Թորոսյան                      | Ալավերդի թիվ 8     | Գրասենյակի իրավաբանների օգնությամբ Հայց է ներկայացվել առաջին ատյանի դատարան | Դատարանը գտել է, որ դպրոցի տնօրենը խախտել է Աշխատանքային օրենսգրքի 37 հոդվածի կանոնները և բավարարելով հայցը հայցվորին վերականգնել է իր նախկին             |

|    |                    |                | աշխատանքում  |   |
|----|--------------------|----------------|--|---|
| 5. | Սուսաննա Սոխակյան  | Ալավերդի թիվ 8 | Գրասենյակի իրավաբանների օգնությամբ կազմվել է վերաքննիչ բողոք   | Վերաքննիչ դատարանը գտել է, որ չի խախտվել Աշխատանքային օրենսգիրքը և մերժել է հայցը   |
|    |                    |                | Վճռաբեկ դատարանում կազմակերպության իրավաբանը հանդես է եկել որպես ներկայացուցիչ   | Վճռաբեկ դատարանը գտել է, որ Առաջին ատյանի և Քաղ. Գործերով Վերաքննիչ դատարանները վճիռ կայացնելիս թույլ չեն տվել նյութական կամ դատավարական խախտում                              |
| 6. | Ալինա Շոլյան       | Վանաձոր թիվ 23 | բանավոր խորհրդատվություն է տրվել և բացատրվել է ՀՀ Աշխատանքային օրենսգրքի 42 <sup>1</sup> , 42 <sup>2</sup> 36, 37 և 38, ինչպես նաև 239 հոդվածով սահմանված կանոնները: Ստացած խորհրդատվության արդյունքում ինքնուրույն հայց է ներկայացրել Լոռու մարզի առաջին ատյանի դատարան | Դատարանը գտել է, որ. չի խախտվել Աշխատանքային օրենսգիրքը և մերժել է հայցը  |
| 7. | Անայա Ալեքսանյան   | Վանաձոր թիվ 27 | Գրասենյակի իրավաբանների օգնությամբ կազմվել է հայցադիմում առաջին ատյանի դատարան դիմելու համար   | Դատարանը գտել է, որ. չի խախտվել Աշխատանքային օրենսգիրքը և մերժել է հայցը  |
| 8. | Գոհար Հովհաննիսյան | Վանաձոր թիվ 18 | Գրասենյակի իրավաբանների օգնությամբ հայց է ներկայացվել առաջին ատյանի դատարան  | Դատարանը գտել է, որ չի խախտվել Աշխատանքային օրենսգիրքը և մերժել է հայցը   |
|    |                    |                | Գրասենյակի իրավաբանների օգնությամբ կազմվել է վերաքննիչ բողոք   | Վերաքննիչ դատարանը նույնպես գտել է, որ չի խախտվել Աշխատանքային օրենսգիրքը և մերժել է հայցը  |
| 9. | Հասմիկ Հակոբյան    | Վանաձոր թիվ 21 | Գործի քննության ընթացքում միջնորդություն է ներկայացվել դատարան մասնագիտական որակավորումը պարզելու համար նշանակել փորձաքննություն   | Դատարանը նշանակել է փորձաքննություն: Հայցվորի չներկայանալու պատճառով հայցը թողնվել է առանց քննության  |
| 10 | Թերեզա Մկրտումյան  | Վանաձոր թիվ 25 | բանավոր խորհրդատվություն է տրվել և բացատրվել է ՀՀ Աշխատանքային օրենսգրքի 42 <sup>1</sup> , 42 <sup>2</sup> 36, 37 և 38, ինչպես նաև 239 հոդվածով սահմանված կանոնները: Ստացած խորհրդատվության արդյունքում ինքնուրույն հայց է ներկայացրել Լոռու մարզի առաջին ատյանի դատարան | Դատարանը գտել է, որ. չի խախտվել Աշխատանքային օրենսգիրքը և մերժել է հայցը  |
| 11 | Լուսվարդ Պապյան    | Վանաձոր թիվ 27 | Գրասենյակի իրավաբանների օգնությամբ կազմվել է հայցադիմում առաջին ատյանի դատարան դիմելու համար   | Դատարանը գտել է, որ. չի խախտվել Աշխատանքային օրենսգիրքը և մերժել է հայցը  |
| 12 | Հեղինե Աղաջանյան   | Վանաձոր թիվ 18 | բանավոր խորհրդատվություն է տրվել և բացատրվել է ՀՀ Աշխատանքային օրենսգրքի 42 <sup>1</sup> , 42 <sup>2</sup> 36, 37 և 38, ինչպես նաև 239 հոդվածով սահմանված կանոնները: Ստացած խորհրդատվության արդյունքում ինքնուրույն  | Դատարանը գտել է, որ դպրոցի տնօրենը խախտել է Աշխատանքային օրենսգրքի 37, 42 <sup>2</sup> հոդվածների կանոնները և բավարարելով հայցը հայցվորին վերականգնել է իր նախկին աշխատանքում |

|    |                 |                |   |   |
|----|-----------------|----------------|---|---|
|    |                 |                | հայցէ ներկայացրել Լոռու մարզի առաջին ատյանի դատարան   |   |
| 13 | Նաիրա Ղազարյան  | Վանաձոր քիվ 5  | բանավոր խորհրդատվություն է տրվել և բացատրվել է ՀՀ Աշխատանքային օրենսգրքի 42 <sup>1</sup> , 42 <sup>2</sup> 36, 37 և 38, ինչպես նաև 239 հոդվածով սահմանված կանոնները: Ստացած խորհրդատվության արդյունքում ինքնուրույն հայցէ ներկայացրել Լոռու մարզի առաջին ատյանի դատարան   | Դատարանը գտել է, որ դպրոցի տնօրենը խախտել է Աշխատանքային օրենսգրքի 37, 42 <sup>2</sup> հոդվածների կանոնները և բավարարելով հայցը հայցվորին վերականգնել է իր նախկին աշխատանքում |
| 14 | Ռոզա Մելքոնյան  | Վանաձոր քիվ 25 | Գրասենյակի իրավաբանների օգնությամբ հայց է ներկայացվել առաջին ատյանի դատարան   | Դատարանը գտել է, որ չի խախտվել Աշխատանքային օրենսգրքը և մերժել է հայցը  |
| 15 | Անահիտ Ավագյան  | Գուգարք քիվ 2  | Գրասենյակի իրավաբանների օգնությամբ հայց է ներկայացվել առաջին ատյանի դատարան   | Դատարանը գտել է, որ չի խախտվել Աշխատանքային օրենսգրքը և մերժել է հայցը  |
|    |                 |                | Գրասենյակի իրավաբանների օգնությամբ կազմվել է վերաքննիչ բողոք  | Դատարանը գտել է, որ դպրոցի տնօրենը խախտել է Աշխատանքային օրենսգրքի 38, 42 <sup>2</sup> հոդվածների կանոնները և բավարարելով հայցը հայցվորին վերականգնել է իր նախկին աշխատանքում |
|    |                 |                | Գրասենյակի իրավաբանների օգնությամբ կրկին ազատման կապակցությամբ հայց է ներկայացվել Լոռու մարզի առաջին ատյանի դատարան Գրասենյակի իրավաբանը, որպես հայցվորի ներկայացուցիչ մասնակցել է դատական միստին   | Դատարանը գտել է, որ չի խախտվել Աշխատանքային օրենսգրքը և մերժել է հայցը  |
| 16 | Հեղնար Սարգսյան | Գուգարք քիվ 2  | բանավոր խորհրդատվություն է տրվել և բացատրվել է ՀՀ Աշխատանքային օրենսգրքի 42 <sup>1</sup> , 42 <sup>2</sup> 36, 37 և 38, ինչպես նաև 239 հոդվածով սահմանված կանոնները: Ստացած խորհրդատվության արդյունքում ինքնուրույն հայցէ ներկայացրել Լոռու մարզի առաջին ատյանի դատարան: Դատարանը մասնագիտակիան որակավորումը պարզելու նպատակով նշանակել է փորձաքննություն | գործը գտնվում է քննության փուլում   |
| 17 | Գոհար Սարգսյան  | Վանաձոր քիվ 9  | Գրասենյակի իրավաբանների օգնությամբ հայց է ներկայացվել առաջին ատյանի դատարան   | Դատարանը գտել է, որ դպրոցի տնօրենը խախտել է Աշխատանքային օրենսգրքի 37 հոդվածի կանոնները և բավարարելով հայցը հայցվորին վերականգնել է իր նախկին աշխատանքում                     |

|    |                   |                |  |   |
|----|-------------------|----------------|--|---|
|    |                   |                | կրկին ազատման կապակցությամբ բանավոր խորհրդատվություն է տրամադրվել, որպեսզի քաղաքացին դիմի իրավապահ մարմիններին, սակայն նա նորից դիմել է դատարան նախկին աշխատանքում վերականգնվելու պահանջով   | Դատարանը գտել է, որ չի խախտվել Աշխատանքային օրենսգիրքը և մերժել է հայցը   |
|    |                   |                | Գրասենյակի իրավաբանների օգնությամբ կազմվել է վերաքննիչ բողոք   | Վերաքննիչ դատարանը նույնպես գտել է, որ չի խախտվել Աշխատանքային օրենսգիրքը   |
|    |                   |                | Գրասենյակի իրավաբանների օգնությամբ ներկայացվել է վճռաբեկ բողոք   | Վճռաբեկ դատարանը գտել է, որ Առաջին ատյանի և Քաղ. Գործերով Վերաքննիչ դատարանները վճիռ կայացնելիս թույլ չեն տվել նյութական կամ դատավարական խախտում  |
| 18 | Մարինե Կիրակոսյան | Վանաձոր թիվ 25 | Գրասենյակի իրավաբանների օգնությամբ հայց է ներկայացվել առաջին ատյանի դատարան:<br>Գրասենյակի իրավաբանը, որպես հայցվորի ներկայացուցիչ մասնակցել է դատական նիստին Դատարանը մասնագիտակիան որակավորումը պարզելու նպատակով նշանակել է փորձաքննություն                           | գործը գտնվում է քննության փուլում   |
| 19 | Անահիտ Բաղալյան   | Վանաձոր թիվ 24 | Գրասենյակի իրավաբանների օգնությամբ հայց է ներկայացվել առաջին ատյանի դատարան  | Դատարանը գտել է, որ դպրոցի տնօրենը խախտել է Աշխատանքային օրենսգրքի 37 հոդվածի կանոնները և բավարարելով հայցը հայցվորին վերականգնել է նախկին աշխատանքում  |
| 20 | Ռիտա Աբրահամյան   | Վանաձոր թիվ 20 | բանավոր խորհրդատվություն է տրվել և բացատրվել է ՀՀ Աշխատանքային օրենսգրքի 42 <sup>1</sup> , 42 <sup>2</sup> 36, 37 և 38, ինչպես նաև 239 հոդվածով սահմանված կանոնները: Ստացած խորհրդատվության արդյունքում ինքնուրույն հայց է ներկայացրել Լոռու մարզի առաջին ատյանի դատարան | Դատարանը գտել է, որ չի խախտվել Աշխատանքային օրենսգիրքը և մերժել է հայցը   |
| 21 | Կարինե Քոչարյան   | Վանաձոր թիվ 6  | բանավոր խորհրդատվություն է տրվել և բացատրվել է ՀՀ Աշխատանքային օրենսգրքի 42 <sup>1</sup> , 42 <sup>2</sup> 36, 37 և 38, ինչպես նաև 239 հոդվածով սահմանված կանոնները: Ստացած խորհրդատվության արդյունքում ինքնուրույն հայց է ներկայացրել Լոռու մարզի առաջին ատյանի դատարան | Դատարանը գտել է, որ դպրոցի տնօրենը խախտել է Աշխատանքային օրենսգրքի 37 հոդվածի կանոնները և բավարարելով հայցը հայցվորին վերականգնել է նախկին աշխատանքում  |
| 22 | Աիդա Պետրոսյան    | Գուգարք թիվ 2  | բանավոր խորհրդատվություն է տրվել և բացատրվել է ՀՀ Աշխատանքային օրենսգրքի 42 <sup>1</sup> , 42 <sup>2</sup> 36, 37 և 38, ինչպես նաև 239 հոդվածով սահմանված կանոնները: Ստացած խորհրդատվության արդյունքում ինքնուրույն  | Գործի քննության ժամակ կողմերը հաշտության են եկել, այսինքն հայցվոր Աիդա Պետրոսյանին Լոռու մարզպետարանի կողմից առաջարկվել է այլ աշխատանք և նա հայցից հրաժարվել է, պայմանով, որ իրեն վճարեն երկու ամսվա արձակման նպաստը: |

|    |              |                                    |  |  |
|----|--------------|------------------------------------|--|--|
|    |              |                                    | հայց է ներկայացրել Լոռու մարզի առաջին ատյանի դատարան         |  |
| 23 | Նաիրի Արոյան | Լոռու մարզի Ամրակից համայնքի դպրոց | Գրասենյակի իրավաբանների օգնությամբ կազմվել է վերաքննիչ բողոք | Դատարանը գտել է, որ չի խախտվել Աշխատանքային օրենսգրքը և մերժել է հայցը |

Աղյուսակից երևում է, որ որոշ դպրոցների տնօրեններ, դատարանի որոշումից հետո ուսուցիչներին վերականգնելով նախկին աշխատատեղում, կարճ ժամանակ անց նորից նրանց ազատել են աշխատանքից: Ըստ էության՝ նման դպրոցի տնօրենները կրկին անգամ խախտել են ուսուցիչների աշխատանքային իրավունքները:

**Լոռու մարզի Ալավերդի քաղաքի թիվ 8 միջնակարգ դպրոցի տնօրենը մաթեմատիկայի ուսուցչուհի Սուսաննա Սոխակյանին ազատել է աշխատանքից առանց այլ աշխատանք առաջարկելու:**

**Ս.Սոխակյանը հայց է ներկայացրել Լոռու մարզի առաջին ատյանի դատարան՝ նախկին աշխատանքում վերականգնվելու պահանջով:**

**Լոռու մարզի առաջին ատյանի դատարանը Ալավերդի նստավայրում գործը քննելով գտել է, որ չի խախտվել ՀՀ Աշխատանքային օրենսդրությունը:**

**Լոռու մարզի Ալավերդի քաղաքի թիվ 8 միջնակարգ դպրոցի տնօրենը ուսուցչուհի Անուշ Մելիքսեթյանը ազատել է աշխատանքից առանց այլ աշխատանք առաջարկելու:**

**Ա. Մելիքսեթյանը հայց է ներկայացրել Լոռու մարզի առաջին ատյանի դատարան՝ նախկին աշխատանքում վերականգնվելու պահանջով:**

**Լոռու մարզի առաջին ատյանի դատարանը Ալավերդի նստավայրում գործը քննելով գտել է, որ չի խախտվել ՀՀ Աշխատանքային օրենսդրությունը:**

**Ս. Սոխակյանը Լոռու մարզի առաջին ատյանի դատարանի կայացրած վճռի դեմ վերաքննիչ բողոք է ներկայացրել, սակայն վերաքննիչ դատարանը նույնպես գտել է, որ չի խախտվել Աշխատանքային օրենսգրքի նորմերը:**

**Ս. Սոխակյանը Քաղաքացիական գործերով վերաքննիչ դատարանի կայացրած վճռի դեմ վճռաբեկ բողոք է ներկայացրել: Վճռաբեկ դատարանը վերաքննիչ դատարանի վճիռը չի բեկանել:**

**Լոռու մարզի Վանաձոր քաղաքի թիվ 23 միջնակարգ դպրոցի ուսուցչուհի Ալինա Շոյանին, Վանաձոր քաղաքի թիվ 25 միջնակարգ դպրոցի ուսուցչուհի Ռոզա Մելքոնյանին դպրոցի տնօրենները ազատել են աշխատանքից առանց այլ աշխատանք առաջարկելու:**

**Նրանք հայցեր են ներկայացրել Լոռու մարզի առաջին ատյանի դատարան՝ նախկին աշխատանքում վերականգնվելու պահանջով:**

**Տվյալ դեպքերում նշված անձինք հայց են ներկայացրել Լոռու մարզի առաջին ատյանի դատարան, նույնիսկ Ռոզա Մելքոնյանը ներկայացրել է վերաքննիչ բողոք, սակայն ո՛չ առաջին ատյանի և ո՛չ էլ վերաքննիչ դատարանները հաշվի չեն առել այդ հանգամանքը: Ալավերդի քաղաքի թիվ 8 միջնակարգ դպրոցի նախկին ուսուցչուհի Սուսաննա Սոխակյանը ներկայացրել է Վճռաբեկ բողոք, սակայն Վճռաբեկ դատարանը նույնպես հաշվի չի առել դպրոցի տնօրենի կողմից կատարված խախտումը՝ ՀՀ Աշխատանքային օրենսգրքի 36 հոդվածի երկրորդ մասը:**

ՀՀ կառավարության օպտիմալացման ծրագրով ուսուցիչների հետ աշխատանքային պայմանագրերի լուծումը ադմինիստրացիայի /գործատուի/ նախաձեռնությամբ իրականացվում է ՀՀ Աշխատանքային օրենսգրքի 36 հոդվածի 1-ին կետի՝ աշխատողների թվի կամ հաստիքի կրճատման հիմքով: Միևնույն ժամանակ աշխատանքից ազատելիս պետք է պահպանվեն Աշխատանքային օրենսգրքի այլ դրույթներ ևս: Մասնավորապես՝ աշխատողների թվի կամ հաստիքի կրճատման դեպքում աշխատանքից ազատելիս դպրոցների տնօրենները պարտավոր են ղեկավարվել նաև ՀՀ Աշխատանքային օրենսգրքի 36, 37 և 42<sup>1</sup>-42<sup>3</sup> հոդվածներով:

Կազմակերպություն դիմած ուսուցիչների աշխատանքային իրավունքի խախտման փաստերի ուսումնասիրությունը ցույց է տալիս, որ աշխատանքից ազատելուց առաջ ուսուցիչների մեծ մասին այլ աշխատանք չի առաջարկվել, որը համարվում է ՀՀ Աշխատանքային օրենսգրքի 42<sup>1</sup> հոդվածի խախտում:

Աշխատանքային օրենսգրքի 36 հոդվածի երկրորդ մասը սահմանում է, որ 36 հոդվածի 1-ին, 2-րդ և 6-րդ կետերում նշված հիմքերով աշխատանքից արձակում թույլատրվում է, եթե հնարավոր չէ աշխատողին նրա համաձայնությամբ փոխադրել այլ աշխատանքի, իսկ Աշխատանքային օրենսգրքի 42<sup>1</sup> հոդվածը սահմանում է ազատվող աշխատողների համար աշխատանքի իրավունքի ապահովման երաշխիքներ: Նշված հոդվածի երկրորդ մասի համաձայն՝ աշխատանքից ազատվելու դեպքում աշխատողին պետք է նույն ձեռնարկությունում, կազմակերպությունում, հիմնարկում առաջարկվի այլ աշխատանք:

Հաստիքների և աշխատողների թվի կրճատման կապակցությամբ աշխատողին աշխատանքից ազատելիս, համաձայն ՀՀ Աշխատանքային օրենսգրքի 38 հոդվածի, առանց ձեռնարկության, հիմնարկի, կազմակերպության արհմիութենական կոմիտեի համաձայնության, ձեռնարկության, հիմնարկի, կազմակերպության ադմինիստրացիայի նախաձեռնությամբ աշխատանքային պայմանագրի լուծում չի թույլատրվում:

Հաստիքների և աշխատողների թվի կրճատման կապակցությամբ աշխատողին աշխատանքից ազատելիս, համաձայն ՀՀ Աշխատանքային օրենսգրքի 42<sup>2</sup> հոդվածի, առաջիկա ազատման մասին աշխատողները անհատապես նախագուշացվում են ոչ ուշ, քան երկու ամիս առաջ:

**Լոռու մարզի Գուգարքի թիվ 2 միջնակարգ դպրոցի տնօրեն Սամվել Մացակյանը ուսուցչուհի Անահիտ Ավագյանին 2003թ դեկտեմբերի 31-ին թիվ 318 հրամանով 2004թ հունվարի 1-ից ազատել է աշխատանքից՝ հաստիքների և աշխատողների թվի կրճատման պատճառաբանությամբ:**

**Դպրոցի տնօրենը Անահիտ Ավագյանին աշխատանքից ազատել էր առանց ձեռնարկության, հիմնարկի, կազմակերպության արհմիութենական կոմիտեի համաձայնության: Առաջիկա ազատման մասին երկու ամիս առաջ Անահիտ Ավագյանը չի նախազգուշացվել իրեն աշխատանքից ազատելու մասին:**

**Ա.Ավագյանը հայց է ներկայացրել Լոռու մարզի առաջին ատյանի դատարան և նրա հայցը մերժվել է: Ա.Ավագյանը համաձայն չլինելով առաջին ատյանի դատարանի վճռի հետ՝ դիմել է ԳԳ Քաղաքացիական գործերով Վերաքննիչ դատարան: Վերաքննիչ դատարանը գտնելով, որ Ա. Ավագյանը աշխատանքից ազատվել է ապօրինի, հիմք ընդունելով ԳԳ Աշխատանքային օրենսգրքի 139 հոդվածը (առանց օրինական հիմքի աշխատողին աշխատանքից ազատելը կամ անօրինական կարգով այլ աշխատանքի փոխադրելը), վճիռ կայացնելով՝ Ա.Ավագյանին վերականգնել է իր նախկին աշխատանքում:**

**Վերաքննիչ դատարանի որոշումը դպրոցի տնօրենը հրաժարվել է կատարել և այդ պատճառով Ա. Ավագյանի դիմումի համաձայն դատարանը տրամադրել է կատարողական թերթ, որի համաձայն ԴԱԳԿ ծառայության կողմից հարուցվել է կատարողական վարույթ: ԴԱԳԿ ծառայության միջամտությամբ դպրոցի տնօրենի 17.05.2004թ թիվ 356 հրամանով վերականգնվել է նախկին աշխատանքում: 2004թ-ի սեպտեմբերի 18-ին թիվ 388 հրամանով դպրոցի տնօրենը Ա.Ավագյանին նորից է ազատել աշխատանքից նույն հիմքերով:**

Աշխատանքային օրենսգրքի 37 հոդվածը սահմանում է աշխատողների թվի կամ հաստիքի կրճատման ժամանակ աշխատողին աշխատանքում թողնելու նախապատվության իրավունքը: Նշված հոդվածի առաջին մասը սահմանում է, որ աշխատողներին աշխատանքում թողնելու նախապատվության իրավունքը տրվում է աշխատանքի ավելի բարձր արտադրողականություն և որակավորում ունեցող աշխատողներին:

**Արտադրողականությունը** տնտեսական հասկացություն է, իսկ ուսուցիչների դեպքում այն գործնականում կիրառելիս պետք է նկատի ունենալ մասնավորապես ուսուցչի մանկավարժական ստաժը մանկավարժության ասպարեզում: Այնուամենայնիվ, պետք է յուրաքանչյուր կոնկրետ դեպքում քննության ամսվի ուսուցչի հաջողությունները մանկավարժության ասպարեզում ընդհանրապես:

**Որակավորում հասկացությունը** գործնականում ավելի դժվար կիրառել է: Մի կողմից ուսուցիչների որակավորումը կարելի է գնահատել մանկավարժական կրթությունը հավաստող փաստաթղթով, սակայն նույն որակավորում ունեցող մի քանի ուսուցիչներից նախապատվությունը տալու դեպքում անհրաժեշտ է հաշվի առնել ուսուցչի աշխատանքային գործունեության որակական հատկանիշները, որն ավելի բարդ խնդիր է: Օրինակ՝ կենսաբանության կամ մաթեմատիկայի ուսուցչի որակավորումը չի կարող որոշել հայոց լեզվի կամ գրականության մասնագիտությամբ դպրոցի տնօրենը:

Աշխատողի որակավորման կամ արտադրողականության որոշման տարբերակներից մեկը կարող է հանդիսանալ ատեստացիան:

Աշխատանքից ազատելու կապակցությամբ ծագած որոշ վեճերի քննության դեպքերում դատարանը իր նախաձեռնությամբ աշխատանքից ազատված ուսուցչի կամ նրա ներկայացուցչի միջնորդությամբ նշանակել է փորձաքննություն: Օրինակ.

**Վանաձորի թիվ 21 դպրոցի տնօրենը նույն դպրոցի ուսուցչուհի Հասմիկ Հակոբյանին ազատել է աշխատանքից: Գ.Հակոբյանը նախկին աշխատանքում վերականգնվելու պահանջով հայց է ներկայացրել Լոռու մարզի առաջին ատյանի դատարան: Լոռու մարզի առաջին ատյանի դատարանը, քննելով գործը, մասնագիտական որակավորումը պարզելու նպատակով նշանակել է մասնագիտական փորձաքննություն, որի կատարումը հանձնարարել էր Վանաձորի Հովհաննես Թումանյանի անվան մանկավարժական ինստիտուտի համապատասխան ամբիոնի դասախոսների կողմից ստեղծված հանձնաժողովին: Փորձագիտական հանձնաժողովն իր եզրակացությամբ առաջարկություններ էր ներկայացրել փորձաքննության ենթարկված երկու ուսուցիչների վերաբերյալ՝ դրա իրավունքը չունենալով:**

**Գ.Հակոբյանը գործի քննությանը ինչ-ինչ պատճառներով չի ներկայացել: Լոռու մարզի առաջին ատյանի դատարանը ԳԳ Քաղ. դատավարության օրենսդրությամբ սահմանված կարգով գործը թողել է առանց քննության:**

Կրթական համակարգի բարելավման համար կարևոր նշանակություն կարող է ունենալ ատեստացիայի միջոցով կամ այլ նման եղանակով ուսուցիչների մասնագիտական որակի ստուգումը: Այսինքն՝ մինչ օպտիմալացման ծրագրի իրականացումն անհրաժեշտ էր համակարգը նախապատրաստել ծրագրով նախատեսված միջոցառումների անցկացմանը, մասնավորապես՝ ատեստացիայի անցկացմամբ, որը հնարավորություն կտար զերծ մնալ խախտումներից:

ԳԳ Կառավարության օպտիմալացման ծրագրով նախատեսված էր, որ պետք է աշխատանքից ազատվեն նաև թոշակի տարիքի հասած ուսուցիչները: Մինչդեռ, թոշակառուներին աշխատանքում պահելու իրավունքը պատկանում է գործատուին: Այսինքն՝ տվյալ դեպքում դպրոցի տնօրենը առանց կառավարության օպտիմալացման ծրագրի էլ կարող էր աշխատողին աշխատանքից ազատել ԳԳ Աշխատանքային օրենսգրքի 36 հոդվածի 1.1 կետի համաձայն (երբ աշխատողը հասել է կենսաթոշակային տարիքի՝ ծերության լրիվ կենսաթոշակի իրավունքի առկայության դեպքում):

Չկազմակերպված ատեստացիայի կամ մրցույթի պատճառով Լոռու մարզում հաստիքների կրճատմամբ աշխատողներին աշխատանքից ազատելու ժամանակ դպրոցի տնօրենների կողմից հիմնականում թույլ է տրվել նաև ԳԳ Աշխատանքային օրենսգրքի 37 հոդվածի բազմաթիվ խախտումներ:

Հաստիքների կրճատման ժամանակ ուսուցիչների արտադրողականության և որակավորման հարցը պարզելուց հետո դպրոցի տնօրենը նրանց աշխատանքից ազատելուց առաջ պետք է հաշվի առնի տվյալ ուսուցչի սոցիալ-տնտեսական, ինչպես նաև ընտանեկան պայմանները /ԳԳ Աշխատանքային օրենսգրքի 37 հոդվածի երկրորդ մաս/:

**Վանաձորի թիվ 25 միջնակարգ դպրոց տնօրենը ռուսաց լեզվի ուսուցչուհի Սարինե Կիրակոսյանին 2004թ-ի սեպտեմբերի 22-ին ազատել է աշխատանքից և նրա փոխարեն նույն աշխատանքում նշանակել այլ աշխատողի: Մ.Կիրակոսյանը իր խնամքի տակ ունի չորս անչափահաս երեխա և ընտանիքում չունի ինքնուրույն վաստակով այլ անձ:**

**Մ.Կիրակոսյանը նախկին աշխատանքում վերականգնվելու պահանջով հայց է ներկայացրել Լոռու մարզի առաջին ատյանի դատարան: Գործը գտնվում է քննության ընթացքում:**

Լոռու մարզում օպտիմալացման ծրագրի իրականացման հետևանքով աշխատանքից ազատման գործընթացում տեղի են ունեցել նաև այլ բնույթի իրավախախտումներ:

**2003 թ-ի սեպտեմբերի 1-ին թիվ 9 միջն. դպրոցի տնօրենը թիվ 144 հրամանով հաստիքների կրճատման կապակցությամբ աշխատանքից ազատել է նույն դպրոցի ուսուցիչ Գոհար Սարդարյանին: Գ.Սարդարյանին հայց է ներկայացրել Լոռու մարզի առաջին ատյանի դատարան: 2003 թ-ի հոկտեմբերի 1-ին Լոռու մարզի առաջին ատյանի դատարանը, հիմք ընդունելով որ դպրոցի տնօրենը թիվ 144 հրամանով խախտել է 33 աշխատանքային օրենսգրքի 37 հոդվածի պահանջները, վերականգնեց Գ. Սարդարյանին նրա նախկին աշխատանքում որպես մաթեմատիկայի ուսուցչուհի:**

**Դպրոցի տնօրենը, Գ.Սարդարյանին վերականգնել է իր նախկին աշխատանքում, բայց 2004թ հունվարի 1-ին, կրկին անգամ Գ.Սարդարյանին նույն հիմքով ազատել է աշխատանքից:**

**Գ.Սարդարյանը վերստին դիմում է Լոռու մարզի առաջին ատյանի դատարան՝ աշխատանքում վերականգնվելու պահանջով: Սակայն այս անգամ Լոռու մարզի առաջին ատյանի դատարանը հիմք ընդունելով այն հանգամանքը, որ Գ.Սարդարյանի 53 աշակերտներից 26-ը ստացել են անբավարար գնահատական և համարելով այդ փաստը որպես ուսուցչի արտադրողականության ցածր ցուցանիշ մերժել էր նրա հայցը:**

**Գ.Սարդարյանը, համաձայն չլինելով Լոռու մարզի առաջին ատյանի դատարանի վճռի հետ, վերաքննիչ բողոք է ներկայացրել 33 քաղաքացիական գործերով Վերաքննիչ դատարան: 2004թ. օգոստոսի 18-ին 33 Քաղաքացիական գործերով Վերաքննիչ դատարանը, քննելով Գ.Սարդարյանի վերաքննիչ բողոքը, ուսուցչի արտադրականության ցածր ցուցանիշի հիմքով մերժեց այն:**

Միանշանակ է, որ դատարանը նույն անձի նույն գործի վերաբերյալ նույն հիմքերի առկայությամբ ընդունել է տրամաբանորեն երկու հակառակ որոշումներ: Վերը բերված օրինակում, բացի այս հանգամանքից, տեղի ունի մյուս արտառոց երևույթը: Դպրոցի տնօրենը կատարել է դատարանի վճիռը՝ ուսուցչին վերականգնելով աշխատանքի, մյուս կողմից՝ մի քանի ամիս անց նորից է ուսուցչին ազատել աշխատանքից: Այսինքն՝ դատարանի վճիռն ունեցել է ընդամենը մի քանի ամսվա «կյանք»:

Օպտիմալացման ծրագրի ընթացքում որոշ հանրակրթական դպրոցների տնօրեններ ուսուցիչներին աշխատանքից ազատելուց առաջ օրենքի խախտումներից զերծ մնալու նպատակով, խորհրդակցել են իրավաբանների հետ: Տվյալ դպրոցներում համեմատաբար նվազ է եղել աշխատանքային իրավունքի խախտումները:

Օպտիմալացման ծրագրի շրջանակներում տեղի են ունեցել նաև 33 Աշխատանքային օրենսգրքի 42<sup>3</sup> հոդվածի խախտումներ: Նշված հոդվածի համաձայն աշխատողների թվի կամ հաստիքների կրճատման դեպքում ազատվող աշխատողին վճարվում է արձակման նպաստ ամսական միջին վաստակի չափով, պահպանվում է նրա միջին աշխատավարձը աշխատանքի տեղավորման ժամանակաշրջանում, բայց ոչ ավելի, քան արձակման օրվանից հետո երկու ամսվա համար: Բացառության կարգով միջին աշխատավարձը աշխատանքի տեղավորման ժամանակաշրջանում պահպանվում է նաև արձակման օրից հաշված երրորդ ամսվա ընթացքում:

Աղյուսակ 4-ում ներկայացված է Լոռու մարզի դպրոցներում առանձին առարկաների գծով պահանջվող մասնագետների ցանկը: Ընդհանուր թվով 13 առարկաների գծով 60 համայնքներում գոյություն ունի 156 ուսուցչի պահանջարկ: Գործող աշխատանքային օրենսգիրքը, ըստ էության պաշտպանում է հատկապես սոցիալապես անապահով աշխատողների շահերը, և ամենևին էլ կարող նպաստել օպտիմալացման ծրագրի արդյունավետ իրականացմանը: Մյուս կողմից՝ աշխատանքից ազատված երիտասարդ մասնագետները, չունենալով սոցիալական երաշխիքներ, չեն շտապում լրացնել գյուղական վայրերում թափուր մնացած աշխատատեղերը:





|                        |             |             |             |              |             |             |              |                  |               |                  |              |              |                |                 |
|------------------------|-------------|-------------|-------------|--------------|-------------|-------------|--------------|------------------|---------------|------------------|--------------|--------------|----------------|-----------------|
| 5.                     | Հաղպատ      |             |             |              |             | 1           |              |                  |               |                  |              |              |                |                 |
| 6.                     | Մեծ Այրում  |             |             |              |             |             |              |                  | 1             |                  |              |              |                |                 |
| 7.                     | Աթան        |             |             |              |             |             |              |                  |               | 1                |              |              |                |                 |
| 8.                     | Ահնիձոր     |             |             |              | 1           |             |              |                  |               |                  |              |              |                |                 |
| 9.                     | Այգեհատ     |             |             |              |             | 1           | 1            | 1                |               |                  |              |              |                |                 |
| 10.                    | Արդվին      |             |             | 1            |             | 1           | 1            | 1                |               |                  | 1            |              |                |                 |
| 11.                    | Ծաթեր       |             | 1           | 1            |             |             |              |                  |               |                  |              |              |                |                 |
| 12.                    | Ծաղկաշատ    |             |             |              | 1           |             |              | 1                |               |                  |              | 2            |                |                 |
| 13.                    | Կաճաճկուտ   |             |             |              |             |             |              |                  |               |                  |              | 2            |                |                 |
| 14.                    | Կ. Աղեգի    | 1           |             |              |             |             | 1            |                  |               | 1                |              |              |                |                 |
| 15.                    | Հագվի       |             |             | 1            |             |             |              |                  |               |                  |              | 2            |                |                 |
| 16.                    | Նեղոց       |             |             |              | 1           |             |              |                  |               |                  |              |              |                |                 |
| 17.                    | Շամուտ      |             |             | 1            |             |             |              |                  |               |                  |              |              |                |                 |
| 18.                    | Չկալով      |             |             |              |             |             | 1            |                  |               |                  |              |              | 1              |                 |
| <b>Ստեփանավանի S/C</b> |             | <b>հ.լ.</b> | <b>ռ.լ.</b> | <b>օտ.լ.</b> | <b>մաթ.</b> | <b>աշխ.</b> | <b>պատմ.</b> | <b>քիմ.կենս.</b> | <b>ֆիզիկա</b> | <b>ֆիզկուլտ.</b> | <b>դասվ.</b> | <b>քիմիա</b> | <b>կենսաբ.</b> | <b>աշխ.ուս.</b> |
| 1.                     | Արմանիս     |             |             |              | 1           | 1           | 1            |                  |               | 1                |              |              |                |                 |
| 2.                     | Բովաձոր     | 1           |             | 1            | 1           | 1           | 1            |                  |               |                  |              |              |                |                 |
| 3.                     | Գարգառ      |             |             |              | 1           |             |              |                  |               |                  |              |              |                |                 |
| 4.                     | Գյուլագարակ |             |             |              |             | 1           |              |                  |               |                  | 3            |              |                |                 |
| 5.                     | Լեջան       | 1           | 1           | 1            |             |             |              |                  |               | 1                |              |              |                |                 |
| 6.                     | Կաթնաղբյուր |             | 1           |              |             |             | 1            |                  |               |                  |              |              |                |                 |
| 7.                     | Կողես       |             |             |              |             |             | 1            |                  |               | 1                |              |              |                |                 |
| 8.                     | Յաղդան      |             |             | 1            |             |             |              |                  |               |                  | 2            |              |                |                 |
| 9.                     | Պուշկինո    |             |             |              |             |             | 1            |                  |               |                  |              |              |                |                 |
| 10.                    | Սվերդլով    |             |             |              |             |             |              |                  |               |                  |              | 1            |                | 1               |
| 11.                    | Ուրասար     |             |             |              |             | 1           | 1            |                  |               |                  |              |              |                |                 |

Օպտիմալացման ծրագրի իրականացման արդյունքում հանրակրթական դպրոցներում կրթության մակարդակը չի բարձրացել, որովհետև Լոռու մարզի գյուղական բնակավայրերի դպրոցներում դեռևս մանկավարժների կարիք է զգացվում: Ավելին որոշ առարկաներ կամ ընդհանրապես չեն դասավանդվում կամ դասավանդում են միջնակարգ կրթություն ունեցող ուսուցիչները: Միևնույն ժամանակ Վանաձորում և այլ քաղաքներում կան աշխատանքից ազատված լավագույն մասնագետներ, որոնք կրճատվել են սոցիալական համեմատաբար բարվոք վիճակ ունենալու պատճառով:

Օպտիմալացման ծրագրի շրջանակներում Վանաձորի թիվ 1 վարժարանին է միացվել թիվ 20 դպրոցը: Սպիտակում թիվ 2 դպրոցին՝ թիվ 7 դպրոցը, Ստեփանավանում՝ թիվ 4-ին՝ թիվ 3 դպրոցը, իսկ Ալավերդիում՝ թիվ 5-ին՝ թիվ 6 դպրոցը: Վանաձորում հասարակական մեծ ընդվզում առաջացրեց Ա. Պուշկինի անվան 80-ամյա դպրոցի և Բ.Թումանյանի անվան 150-ամյա 3-րդ միջնակարգ դպրոցների միացման փորձը: Վերջի վերջո, որոշում կայացվեց դպրոցները չմիավորել:

Վերը նշված փաստերը, վերլուծությունները ցույց են տալիս, որ օպտիմալացման ծրագիրը նախապատրաստված և հիմնավորված չի եղել: Ներկայացնելով օպտիմալացման ծրագրի իրականացման ընթացքում ծագած խնդիրները՝ կարելի է հանգել հետևյալ եզրակացություններին.

1. Օպտիմալացման ծրագրի իրականացումը չի նպաստել կրթության համակարգի բարեփոխմանը, որովհետև.
  - մինչ օպտիմալացման ծրագրի իրականացումը դպրոցական համակարգում չի իրականացվել մասնագետների որակական գնահատում՝ ատեստացիայի միջոցով,
  - օպտիմալացման ծրագիրը չի ընդգրկել գյուղական բնակավայրերում ուսուցչական կադրերի պահանջարկը բավարարելուն ուղղված սոցիալական, կազմակերպական և ֆինանսական ապահովման խնդիրների լուծման ուղիները:
2. Օպտիմալացման ծրագրի իրականացման համար կիրառվել են հնացած իրավական մեխանիզմները, որոնք չէին կարող բավարարել կրթական համակարգի բարեփոխման համար անհրաժեշտ իրավական պահանջներին, որի հետևանքով.
  - կրթական համակարգից դուրս են մնացել փորձառու և որակյալ կադրերը,
  - երիտասարդ մասնագետները զրկված էին իրավական պաշտպանության օրենսդրական մեխանիզմներից,
3. Իրավական համակարգի անկատարությունը, պետական մարմինների հովանավորչությունը նպաստեց մի շարք դպրոցի տնօրենների կողմից պաշտոնական դիրքի չարաշահման, ուսուցիչների նկատմամբ հալածանքների դրսևորման և ուսուցչական կոլեկտիվներում ոչ բարենպաստ աշխատանքային մթնոլորտի ձևավորմանը:
4. դպրոցների տնօրենները մեծամասամբ չեն տիրապետում տարրական իրավական գիտելիքներին,
5. Դատական մարմինները, որոշ դեպքերում ցույց տվեցին իրենց անպատրաստ լինելը օպտիմալացման ծրագրի իրականացման արդյունքում առաջ եկած իրավական խնդիրների լուծմանը /սրա հետևանքով որոշ դատավորներ չապահովեցին նույնիսկ գործող ՀՀ Աշխատանքային օրենսգրքի դրույթների իրականացումը՝ ենթարկվելով արտադատարանական ազդեցությունների/:

Ելնելով վերն արված վերլուծություններից՝

### Առաջարկում ենք

1. Կրթության բնագավառի բարեփոխմանն ուղղված օպտիմալացման ծրագիրը ենթարկել արմատական փոփոխությունների՝ ընդգրկելով ուսուցիչների վերապատրաստման, հատկապես գյուղական բնակավայրերի միջնակարգ դպրոցներում ուսուցիչների պահանջարկի ապահովմանն ուղղված սոցիալական, ֆինանսական և տնտեսական խնդիրների լուծման տեսակետից /ՀՀ Կրթության նախարարություն, ՀՀ Կառավարություն, ՀՀ Ազգային ժողով/:
2. Մշակել ուսուցիչների աշխատանքային իրավունքներին պաշտպանության հստակ օրենսդրական մեխանիզմներ, որը կարող է ներառնվել նաև ՀՀ նոր աշխատանքային օրենսգրքում /ՀՀ Կրթության նախարարություն, ՀՀ Կառավարություն, ՀՀ Ազգային ժողով/:
3. ՀՀ մարզպետներին քննության առնել օպտիմալացման ծրագրի իրականացման ընթացքում առանձին դպրոցների տնօրենների կողմից թույլ տրված անօրինականությունները՝ ուսուցիչների աշխատանքային իրավունքի ոտնահարման փաստերը, և ենթարկել նրանց պատասխանատվության ընդհուպ մինչև աշխատանքից հեռացումը:

4. Դատարանների նախագահների խորհրդին քննության առնել օպտիմալացման ծրագրի իրականացման արդյունքում ուսուցիչների աշխատանքային իրավունքների խախտման փաստերի վերաբերյալ դատական պրոցեսների, վճիռների օրինականության խնդիրը՝ նպատակ ունենալով վեր հանել դատական իշխանության գործունեությունն օպտիմալացման ծրագրի շրջանակներում և ներկայացնել հասարակությանը ոչ օբյեկտիվ դատական որոշումների, վճիռների պատճառները և դրանց վերացման ուղղությամբ արվելիք քայլերը:
5. **ՀՀ Արդարադատության խորհուրդ:** Առանձնահատուկ ուշադրություն դարձնել այն դատավորների վրա, որոնք իրենց լիազորություններից օգտվելով աշխատանքային վեճերով այնպիսի վճիռներ ու որոշումներ են կայացրել, որոնք ակնհայտ անօրինական են:
6. **ՀՀ Գլխավոր դատախազություն:** Դատական ակտերի չկատարման կամ դրանց կատարմանը խոչնդոտող պաշտոնատար անձանց գործողությունների փաստերի առթիվ հարուցել քրեական գործեր կամ դրանց հարուցումը հանձնարարել համապատասխանաբար մարզերի նախաքննական մարմիններին և կատարել նախաքննություն:

Լրացուցիչ հարցերի և պարզաբանումների համար կարող եք դիմել  
ՀՔԱ Վանաձորի գրասենյակ՝ Կ.Թումանյանին.

հասցե Վանաձոր, Տիգրան Մեծի 59

հեռ. /0 51/ 422 68